



Sakspapir

Sakshandsamar	Arkiv	ArkivsakID
Annika Tvedt Villanger	FE-441	21/280

Saksnr	Utval	Type	Dato
058/21	Formannskapet	PS	08.06.2021
	Kommunestyret	PS	

RNH - Fag og tenesteutvikling

Vedlegg:

RNH Fag og tenesteutvikling_møte med styringsgruppa 19.februar 2021_kopi

FTU_fordeling av kostnader_Koordinering og leiding av samarbeidet

Saksutgreiing:

Bakgrunn

Styringsgruppa har i møte 18.12.20 drøfta og vedteke at det skal arbeidast for å få på plass ein ressurs som skal fungere som dagleg leiar/koordinator for det som omhandlar fag- og tenesteutvikling i Region Nordhordland Helsehus. Dette er m.a for å sikre oppfølging av måla som er satt for arbeidet med Kunnskapssenteret og arbeidsoppgåver for ein slik funksjon/ressurs er utarbeid og godkjent av styringsgruppa 11.12.2020.

Styringsgruppa har drøfta organisering og rammer, og det bør vurderast om stillingsressursen kan delast opp i to eller tre stillingar, som samla utgjør 100 % ressurs. Det vart vidare persistert at det er viktig å sikra at ein slik resurs vert forankra inn mot Helsehuset, og at det må tydeleggjerast at ein slik funksjon opererer på vegne av alle partar i samarbeidet.

Styringsgruppa støttar framlegget til at ein slik ressurs vert tilsett i Region Nordhordland IKS (tidlegare NUI), med arbeidsstad i Helsehuset og at oppdragsgjevar er styringsgruppa for planperioden. Ved godkjenning av ein slik modell var det semje om at dagleg leiar Region Nordhordland IKS skal involverast i utforming av stillinga, saman med samarbeidspartane. Det vart i same møte vedteke at kostnadane med ein slik felles ressurs skal fordelast på alle interessentane i prosjektet.

Styringsgruppa har bede prosjektgruppa utarbeide forslag til vidare prosess som sikrar partane si godkjenning av organisering og finansiering av ressursen, og legge dette fram til handsaming i styringsgruppa sitt møte i februar 2021.

Prosjektgruppa har i møte med arbeidsutvalet (AU) 10.02.21 drøfta saka på nytt. Utvalet ber prosjektgruppa arbeide for å kunne lyse ut ei 100 % prosjektstilling i løpet av våren. Utlysingsteksten bør tilpassast slik at ein kan ha ei viss grad av fleksibilitet i stillinga, m. a for å skap rom for ulik stillingsprosent med tilsetting av ein eller to personar. Korleis dette kan organiserast og tilpassast må avklarast med dagleg leiar i Region Nordhordland IKS.



Fedje kommune

Organisering

- **100 % prosjektstilling i 5 år**

Tilsett i Region Nordhordland IKS

Stillinga kan om ønska delast i to mindre stillingar

Fordeling av kostnader:

- 50% fordelt mellom HB, HDS og VFK, der fordelingsnøkkel vert avklara mellom partane.
- 50% fordelt på dei 7 kommunane i Region Nordhordland, med 1/3 fast og 2/3 etter innbyggartal. (sjå vedlagt kostnadestimat med fordeling av årleg kostnader i 5 år.)
- Delar av kostandane kan bli dekkja gjennom eksternfinansiering av prosjektet. Ved eventuelle tilskot vil partane sine kostnader med stillinga bli redusert.

Før stillinga kan lysast ut må partane stille garant som sikrar grunnfinansiering. Partane må kvar for seg sikre naudsynt forankring og finansiering før stillinga vert lyst ut.

Vurdering

Folkehelse – er positivt for folkehelsa

Miljø – ikkje aktuelt

Økonomi – kr 161 000 fordelt på 5 år

Konklusjon

Fedje kommune sluttar seg til vidare samarbeid i RNH – Fag og tenesteutvikling.

Forslag til vedtak:

Fedje kommune sluttar seg til forslag til organisering og kostnadsramme for 5-årig prosjektstilling til koordinering og leiing av samarbeid om fag- og tenesteutvikling.

Fedje kommune sluttar seg til forslag til fordelingsnøkkel og godkjenner del årlege kostnadar knytt til denne funksjonen.

Formannskapet - 058/21

F - behandling:



Fedje kommune

F - vedtak:

Fedje kommune sluttar seg til forslag til organisering og kostnadsramme for 5-årig prosjektstilling til koordinering og leiing av samarbeid om fag- og tenesteutvikling.

Fedje kommune sluttar seg til forslag til fordelingsnøkkel og godkjenner del årlege kostnadar knytt til denne funksjonen.

Samrøystes vedteke.